

歷代 日記叢鈔



學苑出版社

歷代日記叢鈔

第四二冊

(清) 李棠階撰

李文清公日記·三

癸卯

七月十八日卯刻起看高姬病甚憂之為預備衣物等件不令逾分林孚卿令井善醫延請診視言病已危至午刻竟歿後半日料理此事留心求穩當未知果何如酉初權厝永興寺間一間房放三柩恐其男女無別方擬令獨占一間及送者歸問知彼處男女不同屋人之良知真無間也高要陳生文祥來學年

十四歲示之課程夜就儒門法語為說義利

大概與

子坦子固
子異

說即心即理意因子異問也見

陳生斜倚椅子酣睡喚醒猶惘然痰氣未除

亥刻寢昏睡

十九日卯初起盥洗默坐至辰初多心覺處多亦未甚

貫書數語責陳生令痛改放逸惰慢之習看

陽明先生甲申與陸元靜書飯後閒步飯

前批文屏日記因說戒懼工夫貫徹動靜莫將

此心把捉成死物○疲弊精神○却不是工夫○批看
九峯進卿日記九峯甚明白午正倦甚睡六
七刻起酌應酬事雜髮均不馳然有許多斷
續處仍看與陸元靜書晚飯後詳問陳生家計
因讀拔本塞源論令說大意未了當令再仔細
思之記事 亥刻寢後半夜在夢覺間神不定

二十日卯刻起猶有昏倦氣不肯自振看陽明先生
答周道通書二過早飯後閒步批坦齋日記志向

漸明勸勉之同鄉侯二兄來說心田壽屏坐許久本
欲睡振刷倦氣未正點心後閒步端坐略盹神氣
尚清又默坐許久看陽明先生與黃勉之書深戒
著述又看答顧東橋書逐條皆明白痛快說格
致意尤屬苦心為分明矣晚飯後與家人說家事
許久仍看答顧東橋遂朗誦拔本塞源論數過
亥刻寢五更夢雜摠是昏妄

二十日卯正起默坐許久不清會客不放置看答顧東

橋書這纔是透徹心體早飯後與^{李黃}二生說拔本塞源大意欲復萬物一體之仁只是克其私去其蔽欲克私去蔽只是慎獨慎獨只是致良知批子固爭卿日記小憩不寐起寫昨事點心後閒步許久

問陳生拔本塞源大意即為說之又犯混翻書卷病只是自欺只是箇小人只是箇禽獸又有為人念名念痛洗剔之飯後閒步看子異日記夜讀拔本塞源論寫本日記亥刻寢夢雜

二十二日卯刻起。搃是浮泛許久不定。看曬衣服。防其馳去。早飯後。文屏問寡欲。意欲如聲色貨利之類。非人所能絕。所謂寡之又寡。以至於無者。只是純主乎理。而無一毫沾戀牽掛處耳。看答鄒謙之答友人等書。想七刺輒有雜夢。起略坐。有小忿。便為所滯。急懲之。看答南元善及歐陽崇一等書。語語饜心不覺又貪多了。傍晚閒步。閒坐。少靜醒。

晚飯後閒話說陽明偶看物件嫌三弟用錢太多無斟酌仍是自私自利之根耳看陽明至荅何廷仁言病勢增劇不覺淚下先生方灑然而已顧戚何也又看詩又鹵莽改己晚矣矣刺寢不寐時多寐便雜夢

二十三日卯初多起子固已起矣默坐數刻尚不馳去然并未清徹閱批詳六十餘件戒厭煩尚不草率閒步心在飯後看梅坪小恙

記昨日事。想六七刻初不寐後雜夢起略坐
點心閒步未確看答聶文蔚二書玩味數過
至自其骨肉一家之親已不免有爾我勝負之
意彼此藩籬之形數語方自反未能免此病
而根子未融釋反縈繞許久於責人之中益
熱天之歛嗚呼相去真不能以寸矣猶不肯切實
自反何以為人思至此良知一醒截狀放下但此根
究未拔也自此至晚飯後均不甚馳默坐六刻

仍不甚清徹。寫日記去雜念。夾刺寢思己之所
以處家者。外雖矯去錙銖較量之形。而耿於中者。
實不免此疆爾界之意。是全無至誠惻怛之本
矣。何以責人乎。以此而妄說萬物一體。噫。將誰欺乎。
二十四日卯初多起。默坐許久。仍未清徹。閱文書數
十件。尚不馳看。答聶文蔚第二書。所謂懸空做
箇。勿忘勿助者。初疑之。細思乃解。知己曾犯此病矣。
所謂事親從兄間。只是一箇良知。並無假借鞭辟。

到十分緊切處工夫至此真無絲毫走作沾帶渾
是一團天理聖矣乎聖矣乎李春山來談許久
又有漏洩批看黃二生日記黃生較切李生尚泛
小憩不寐起點心閒步閒坐搖未靠得真晚
飯後與子純先生談聽說西銘意古今帝王師相
耕樵商販甚至奸雄盜賊皆離此意不得我輩須
完得此意方是學查看明紀亥刻寢

二十五日卯初多起又含混默坐許久仍未清徹查

看明武宗世宗紀飯後閒步方看坦齋日記忽聞
徐大叔病急往視之則滿牀亂滾話幾說不出至未
刻方定言心中煩亂不堪如火燒然飲以益元散較
清爽小憩起看表炸好些服定中丸二丸接看
坦齋及子固日記二子聽子純先生講西銘曉得大
意勸以實功陳生方十四乃以文章丟生為慮詳
示之晚飯後看徐表叔較好與陳^生言為學大意
反復開導之然此殆難以口舌爭也寫昨日及本

日事已無實得不能動得不勝愧怍看表并
病全愈病因思慮家事愁忿而成反復勸慰之
嗚呼利心無厭遂自投若海究竟何益素位之
學真處世口訣也至書房見陳生脫襪閒談切
責之晚飯後方戒其浮躁淺露旋又犯此積習已
深不知警省可慮也亥刻寢夢有近色此幾又
動矣不知深省將至橫潰必痛懲之

二十六日卯初多起輒有浮游處默坐思自己全是

俗肝腸分毫不曾洗刷得交吾自面徒成自欺一副
之小人而已愧憤之至會客不馳默坐仍未的
寫昨晚今晨事飯後閒步會客有所託與伊說
明仍用我法然終嫌面軟小憩起有同鄉來談
許久不馳點心後拜客即歸不甚散漫看錄
遺諸稿件至晚舊章尚妥協看高忠憲因學
記此乃真實用功者夜看陽明先生詩頭三
是頭道觸然洞然處院中間步心境閒適亥刻

寢夢不雜

二十七日卯初多起略坐批閱生員卷會客聽說虎門形勢及前年失虎門情形嗚呼士卒不用命將不得辭其責矣將士力戰而不發火藥且下令鬼子放三炮方許我軍開炮不知是何居心琦善非大漢奸而何飯後批閱生員卷十餘本小憩鶴山教官劉公^士秦攜李生錫疇來言學許久飯後閒話看陽明先生書數篇是日言動